

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-103-24/22

Datum: 23.08.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda **d o n o s i**

O D L U K U
o izboru najpovoljnijeg ponuđača
u postupku javne nabavke opreme za potrebe sanitarne dijagnostike
za Lot 2 Aparat za destilaciju vode sa aparatom za predtretman vode

I

Prihvata se preporuka Komisije za nabavke broj 07-103-21/22 od 19.08.2022. godine i Ugovor o javnoj nabavci opreme za potrebe sanitarne dijagnostike **za Lot 2 Aparat za destilaciju vode sa aparatom za predtretman vode** za potrebe Ugovornog organa dodjeljuje se ponuđaču **KEFO D.O.O. ISTOČNO SARAJEVO** ukupnom cijenom ponude od 7.499,70 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 10 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke opreme za potrebe sanitarne dijagnostike broj broj 07-103-1/22 od 27.07.2022. godine, za koji je objavljeno obavještenje na portalu javnih nabavki pod brojem 1247-7-1-171-3-15/22 dana 27.07.2022. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-242-1/22 od 16.02.2022. godine.

Tenderska dokumentacija je objavljena na portalu javnih nabavki i istu je preuzelo 15 potencijalnih ponuđača. Poziv za učešće u postupku javne nabavke je upućen sljedećim ponuđačima: KEFO D.O.O. ISTOČNO SARAJEVO, EUROLAB D.O.O. BIJELJINA i TUZLA-FARM D.O.O. TUZLA.

Nabavka je podijeljena u dva (2) lota i to:

Lot 1: Brojač kolonija (ručni)

Lot 2: Aparat za destilaciju vode sa aparatom za predtretman vode

U roku za prijem ponuda za **Lot 2 Aparat za destilaciju vode sa aparatom za predtretman vode** zaprimljene su dvije ponude i to ponude ponuđača KEFO D.O.O. ISTOČNO SARAJEVO i EURO LAB D.O.O. BIJELJINA. Prije isteka roka za dostavu ponude, i to dana 15.08.2022. godine u 09:20 sati, Ugovorni organ je za Lot 2 zaprimio dopunu ponude ponuđača Kefo d.o.o. Istočno Sarajevo.

Komisija za nabavke (u daljem tekstu: Komisija) je konstatovala da su ponude imenovanih ponuđača, uključujući i dopunu ponude blagovremene, ispravno zapečaćene i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđačima putem fax-a.

Komisija je zatim pristupila pregledu i ocjeni zaprimljenih ponuda i konstatovala da:

- ponuda ponuđača Kefo d.o.o. Istočno Sarajevo sa ukupnim iznosom ponude od 6.410,00 bez PDV-a odnosno 7.499,70 KM sa PDV-om, sa dostavljenom dopunom ponude, koja se odnosi na katalošku dokumentaciju ponudjenog aparata za destilaciju vode, ispunjava sve uslove postavljene tenderskom dokumentacijom, a obzirom da je dostavljena tražena dokumentacija i ponudena oprema koja odgovara tehničkoj specifikaciji definisanoj tenderskom dokumentacijom, ponuda imenovanog ponuđača je kao takva prihvatljiva,
 - ponuda ponuđača EURO LAB D.O.O. BIJELJINA ne ispunjava kvalifikacione uslove definisane tenderskom dokumentacijom te se ista odbija iz sljedećih razloga:
 - Prema tački 12.2. pod a) tenderske dokumentacije, ponuđači su obavezni dostaviti katalošku dokumentaciju za ponudenu opremu, koja treba da sadrži sve tehničke podatke o ponudenoj opremi (data sheet) koja će služiti kao referenca za ocjenu ponude u skladu sa zahtjevima tenderske dokumentacije. Isto tako je potrebno naznačiti (obojiti ili zaokružiti) ponudenu opremu, odnosno dijelove specifikacija koji se odnose na ponudeni model opreme čiju autentičnost ovjerava ponuđač.
- Naime, ponuđač EURO LAB D.O.O. BIJELJINA jeste dostavio katalošku dokumentaciju za ponudenu opremu ali dio ponudene opreme (aparat za predtretman vode) ne odgovara tehničkoj specifikaciji koja je navedena u Obrascu za cijenu ponude. Naime, za aparat za predtretman vode definisan je maksimalan protok 0,5m³/h dok ponudeni aparat ima protok 1,0-1,5m³/h. Takođe, dostavljena dokumentacija ne sadrži informacije o aparatu za predtretman vode a koje se odnose na veličinu posude za tabletiranu so, koja je definisana tenderskom dokumentacijom (minimalno 25 kg), kao ni potrošnju soli za jednu regeneraciju (maksimalno 2 kg).

Obzirom da je primljena jedna prihvatljiva ponuda e-aukcija se, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego će se postupak okončati u skladu sa članom 69. Zakona.

Shodno navedenom, Komisija je predložila VD direktora da ugovor o javnoj nabavci opreme za potrebe sanitarne dijagnostike za Lot 2 Aparat za destilaciju vode sa aparatom za predtretman vode, za koji je proveden postupak konkurentskog zahtjeva za dostavu ponuda, dodijeli ponuđaču KEFO D.O.O. ISTOČNO SARAJEVO u ukupnom iznosu od 6.410,00 bez PDV-a odnosno 7.499,70 KM sa PDV-om, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

Dostaviti:

1. Ponuđačima
2. a/a

VD DIREKTORA
Sarihodžić dr. Majda, spec. socijalne medicine
MA menadžmenta

